

古今圖書集成

中国学术类编

典政戎
下
(五)



欽定古今圖書集成經濟彙編戎政典

第一百四十五卷目錄

兵略部彙考四十三

唐一 高祖武德三年

戎政典第一百四十五卷

兵略部彙考四十三

唐一

高祖武德元年五月高祖以唐王即位六月秦王世民西討執薛仁果十月光祿郡李密謀反伏誅

按唐書高祖本紀高祖諱淵字叔德姓李氏隴西成紀人也其七世祖昌胤晉末據秦涼以自王是為涼武昭王高生歡飲為沮渠蒙遜所滅歡生重耳魏弘農太守重耳生熙金門鎮將戎於武川因留家焉熙生天賜為幢主天賜生虎西魏時賜姓大野氏官至大尉與李弼等八人佐周伐魏有功皆為柱國號八柱國家周閔帝受魏禪虎已卒乃追錄其功封唐國公諡曰襄襄公生昶襲封唐公隋安州總管柱國大將軍卒諡曰仁仁公生高祖於長安體有三乳性寬仁襲封唐公隋文帝獨孤皇后高祖之從母也以故文帝與高祖相親愛文帝相用復高祖姓李氏以為千牛備身事隋離離二州刺史大業中歷岐州刺史榮陽樓煩二郡太守召為殿內少監衛尉少卿煬帝

征遼東遣高祖督運糧於懷遠鎮楊元感將反其兄弟從征遼東者皆逃歸高祖先覺以聞煬帝遣班師以高祖為弘化留守以禦元感詔關右諸郡兵皆受高祖節度是時隋政荒天下大亂煬帝多猜忌殺戮大臣嘗以事召高祖高祖遇疾不時謁高祖有甥王氏在後宮煬帝問之王氏對以疾煬帝曰可得死否高祖祖之益懼因縱酒納賂以自晦十一年拜山西河東慰撫大使擊龍門賊母端兒射七十發皆中賊敗去而斂其尸以築京觀盡得其箭於其尸又擊絳州賊柴保昌降其衆數萬人突厥犯塞高祖與馬邑太守王仁恭擊之隋兵少不敵高祖選精騎二千為游軍居處飲食隨水草知突厥而射獵馳騁示以閑暇別選善射者伏為奇兵因見高祖疑不敢戰高祖乘而擊之突厥敗走十三年拜太原留守擊高陽歷山賊賊翟羅兒於西河破之是時煬帝南遊江都天下盜起高祖子世民知隋必亡陰結豪傑招納亡命與晉陽令劉文靜謀舉大事計已決而高祖未知欲以情告懼不見聽高祖留守太原領晉陽官監而所善客裴寂為副監世民陰與裴寂謀因選晉陽官人私侍高祖高祖過寂飲酒酒酣從容叙具以大事告之高祖大驚寂曰正為官人奉公事發當誅為此爾世民因亦入白其事高祖初不許欲執世民送官已而許之曰吾愛汝汝忍告汝耶然未有以發而所在盜賊益多突厥數犯邊高祖兵出無功煬帝遣使者執高祖詣江都高祖大懼世民曰事急矣可舉事已而煬帝復遣使者救止其事遂已已時劉武周起馬邑林士弘起豫章劉元進起晉安皆稱皇帝朱粲起

南陽號楚帝李子通起海陵號楚王邵江海號岐州號新平王薛舉起金城號西秦霸王郭子和起榆林號永樂王竇建德起河間號長樂王王須拔起恆定號漫天王汪華起新安杜伏威起淮南皆號吳王李密起鞏號魏公王德仁起鄴號太公左才相起齊郡號博山公羅藝據幽州左難當據涇陽高羅皆號總管梁師都據朔方號大丞相孟海公據曹州號錄事周文舉據淮陽號柳葉軍高開道據北平張長恐據五原周洪據上洛楊士林據山南徐圓據兗州楊仲達據豫州張善相據伊汝王要漢據汴州時德獻據尉氏李義滿據平陵恭公順據青萊淳于難據文登徐師順據任城蔣弘度據東海王薄據齊郡蔣善合據鄆州田留安據章丘張青特據濟北賊君相據海州殷恭遂據舒州周法明據永安苗海潮據未嘉梅知巖據宣城鄧文進據廣州俚酋楊世略據循潮冉安昌據巴東甯長真據鬱林其別號諸盜往往屯聚山澤而劉武周攻汾陽官高祖乃集將吏告曰今吾為留守而賊據離宮縱賊不誅罪當死然出兵必待報今江都隔遠後期奈何將吏皆曰國家之利可專者公也高祖曰善乃募兵旬日間得衆一萬副留守虎賁郎將王威虎牙郎將高祖雅見兵大集疑有變謀因禱雨晉祠以圖高祖高祖覺之乃陰為備五月甲子高祖及威君雅視事開陽府司馬劉政會告威君雅反即坐上執之丙寅突厥犯邊高祖令軍中曰人告威君雅名突厥今其果然遂殺之以起兵遣劉文靜使突厥約連和六月己卯傳檄諸郡稱義兵開大將軍府置三軍以于建成為醜西公左領

卷八十四

軍大都督左軍錄事世民爲燧公右領軍大都督
右軍錄事元吉爲姑蘇公中軍錄事裴寂爲長史劉
文輝爲司馬石艾縣長殷開山爲檢校政務爲長
孫祖德王長詣劉弘基裴寂爲執軍開倉庫賑窮乏
七月壬子高祖伏白旗誓衆於野有兵三萬以元吉
爲太原留守卒世發太原甲實運將發給糧下離石
龍泉文城三郡丙辰次霍石營於賈胡堡隋牙郎
將宋老生屯於霍邑以拒義師丙寅隋將楊弘武
李軌起威武號大涼王八月辛巳敗宋老生於霍邑
丙戌下汾汾郡辛卯克絳郡癸巳大龍門突厥來助
隋驍衛大將軍屈突通守河東總管裴寂王貴爲朔
孫華士門賊白元度皆具舟以來逆九月戊午高祖
領大尉加置僚佐以少牢祀河乃濟甲子次長春宮
丙寅西公建成劉文輝屯未豐倉守潼關燧公
世民自渭北徇三輔從父弟神通起兵於鄠秦氏婦
高祖女也亦起兵於司竹皆與世民會鄠賊丘師利
李仲文慈屋賊何潘仁向善思宜君賊劉兒等皆來
降因略定鄠杜壬申高祖次馮翊乙亥燧公世民
屯同城隍西公建成自新豐趨蒲上丙子高祖自下
邠以西向經行宮施藥悉罷之出宮女還其家十
月辛巳次長樂宮有衆二十萬隋留守衛文昇等奉
代王侑守京城高祖遣使諭之不報乃圍城下令曰
犯隋七廟及宗室者罪三族丙申隋洛山令衛執自
號梁公十一月丙辰克京城命主符郎朱公裕收圖
籍約法十二條殺人劫盜皆軍法死者死於軍中
帝爲太上皇立代王爲皇帝大赦改元義寧甲子高
祖入京師至朝堂望闕而拜隋帝授高祖假黃鉞使

持節大都督內外諸軍事大丞相錄尚書事進封唐
王以武德殿爲丞相府下敕曰今視事於唐門十
二月癸未隋帝贈唐襄公爲唐王仁公爲元王夫人
實氏爲唐國妃曰穆以建成爲唐國世子世民爲
唐國內史封秦國公元吉爲齊國公丞相府置長史
司錄以下官趙郡公孝恭徇山南甲辰雲陽令詹俊
徇巴蜀二年正月丁未隋帝詔唐王割唐上殿入朝
不禮贊拜不名加前後羽葆鼓吹戊午周洪降戊辰
世子建成爲左元帥秦國公世民爲右元帥徇地東
都二月己卯太常卿鄭元璵定樂使使者馬元規徇
荆襄三月己酉齊國公元吉爲太原道行軍元帥乙
卯世民徇封國公丙辰隋右屯衛將軍宇文文化及
執太上皇於江都立秦王浩爲皇帝吳興郡守沈法
興據丹陽自稱江南道總管樂安人盧祖尚據光州
自稱刺史戊辰隋帝遣唐王位相國總百揆備九錫
唐國置丞相官立四廟四月己卯張長祿降五月
乙巳隋帝命唐王親十有二統建天子旌旗出警入
蹕甲寅王德仁降戊午隋帝避位刑部尚書蕭瑀司
農少卿裴之隱奉皇帝璽於唐王三讓乃受武德
元年五月甲子即皇帝位於太極殿命蕭瑀爲太尉
告於南郊大赦改元賜百官庶人爵一級義師所過
給復三年其餘給復一年改郡爲州太守爲刺史六
月薛舉寇涇州秦王世民爲西討元帥劉文輝爲司
馬七月壬子劉文輝及薛舉戰於涇州敗績八月辛
巳薛舉卒己丑秦王世民爲西討元帥以討薛仁果
九月甲寅秦州總管竇軌及薛仁果戰敗績十月己
卯李密降十一月己酉秦王世民敗薛仁果執之十

經濟集編戊政典第一百四十五卷兵略部

二月庚子光祿卿李密反伏誅 按太宗本紀太宗
諱世民方四歲有書生謂高祖曰公在相法貴人也
然必有貴子及見太宗曰龍鳳之姿天日之表其年
後冠必能濟世安民書生已辭去高祖懼其語泄使
人追殺之而不知其所往因以爲神乃採其語名之
曰世民大業中突厥圍煬帝門煬帝從圍中以木
繫詔書投汾水而面下募兵赴援太宗時年十六往應
募錄將軍定與謂定與曰幽敢圍吾天子者以爲
無援故也今宜先發吾軍爲數十里使其盡見旌旗
夜聞鉦鼓以爲大至則可不擊而走之不然而我虛
實則勝敗未可知也定與從之軍至時驍突厥侯騎
見其軍來不覺果馳告始畢可汗曰救兵大至矣遂
引去高祖擊歷山飛陷其國中太宗馳輕騎取之而
出遂擊大破之太宗爲人聰明英武有大志而能
屈節下士時天下已亂盜賊起知隋必亡乃推財養
士結納豪傑長孫無忌劉弘基等皆因事亡命臣之
又與晉陽令劉文輝尤善文輝坐李密事繫獄太宗
夜就獄中見之與圖大事時百姓避賊多入城城中
幾萬人文輝爲今久知其豪傑因共部謀計已定乃
因裴寂告高祖高祖初不許已而許之高祖已起兵
建大將軍府太宗率兵徇河西斬其都丞高祖備拜
右領軍大都督封燧郡公唐兵西將至雲巴會天
久雨糧且盡高祖謀欲還兵太原太宗諫曰義師爲
天下起也宜直入咸陽號令天下今還守一城是爲
賊爾高祖不納太宗哭於軍門高祖嘗名問之對曰
還則衆散於前而敵衆於後死亡須臾所以悲爾高
祖痛曰起事者汝也成敗惟汝時左軍已先還即與

卷之四

隴西公建成分追之夜半太宗失道入山谷其馬步而其兵與俱還高祖乃將而前延明至霍邑宋老生不出太宗從數騎傳其城舉指麾若將圍之者老生怒出背城陣高祖率建成居其東太宗及柴紹居其南老生兵薄東陣建成壁馬老生乘之高祖軍却太宗自南原馳下坂分兵斷其軍爲二而出其陣後老生兵敗走遂斬之武德元年進封秦王薛舉寇涇州太宗爲西討元帥進位雍州牧七月太宗有疾諸將爲舉所敗八月太宗疾間復屯於高塘城相持六十餘日已而舉死其子仁果率其衆求戰太宗按軍不動久之仁果糧盡衆相離叛太宗曰可矣乃遣行軍總管梁實備淺水原仁果將宗羅摩率實太宗遣將軍龐玉救實玉軍獲敗太宗率兵出其後羅摩敗走太宗追之至其城下仁果乃出降帥還高祖還李密馳傳勞之於幽州密見太宗不敢仰視退而歎曰真英主也獻捷太宗拜右武侯大將軍大尉使持節陝東道大行臺尚書令統諸陝河北諸總管兵皆受其節度按節突通傳高祖起代王遣通守河東戰入不下高祖留兵圍之遂濟河破其將桑維翰和於飲馬泉通大懼乃留馬陽郡將裴君泰守蒲將自武關趨藍田以援兵安至潼關阻劉文靜兵不得進相持月餘通令頤和夜襲文靜詰朝大戰頤和縱兵破二壁唯文靜一壁獨完然數入壁短兵接文靜中流矢車盡敗頤和以士疲乃傳餐食文靜因得分兵賀二壁會薛舉數百騎自南山還擊其背三壁兵大呼奮而出頤和遂潰盡得其衆通勢蹙或說之降曰什家國恩思二主安可遽離爾有死報爾爾自舉

其類曰要當爲國家受人一刀其訓練士卒必流涕故力雖窮而人尚爲之感帝遣其家僮往召通趨斬之俄聞京師平家盡沒乃留頤和保潼關率兵將如洛既行而桑頤和來降文靜遣賈琮段志元精騎追及於稠桑通結陣拒之琮縱其子壽往諭使降通大呼曰昔與汝父子今則讎也命左右射之頤和呼其衆曰京師陷諸君皆家關西何爲復東桑皆捨兵墮知不免遂下馬東南向再拜號哭曰臣力屈兵敗不負陛下遂被禽送長安按段志元傳志元大業末客太原爲秦王所讎避左光祿大夫從文靜拒屈突通於潼關文靜爲桑頤和所襲軍且潰志元率壯騎馳賊數十餘人中流矢忍不言突擊自如賊衆亂軍乘之唐兵復振通敗走與諸將歸復於稠桑按任瓌傳義師起瓌至龍門請見高祖曰隋失其政四海羣沸吾以外戚據重任不忍坐觀其亡晉陽天下用武處兵精馬強今率之將解國難公將家子智算練達論吾此舉其濟乎瓌曰今主政殘酷兵役不止天下之人思見拯亂與之息肩公天付神武仗順而起軍令嚴明所下城邑無秋毫之犯關中起兵者接踵而待擁護師迎衆欲何不濟故瓌在焉瓌久悉其人情願爲一介使人囑宣布威靈以收左輔由梁山濟河直趨驪城逼鄠陽朝邑置造文吏勢當自下大招諸賊然後鼓行而前據未豐積粟未得京師關中固已定矣高祖曰是吾心也乃授銀青光祿大夫遣陳演壽史大奈步騎六千趨梁山以瓌及薛歡爲招慰大使高祖謂演壽曰關外事與任瓌籌之既而賊孫華白元度等果降且具舟於河以濟師瓌行

說下韓城與諸將進擊飲馬泉破之按劉感傳感岐州鳳泉人武德初以驍騎將軍戍涇州爲薛仁果所圍糧盡殺所乘馬啖土而養骨自飲和木屑以食城垂陷長平王叔真救之賊乃解與叔真出戰爲賊執還涇州令感約城中降感給諾至城下大呼曰賊大饑亡在朝舉秦王數十萬衆且至勉之無苦仁果怒執感埋其半土中馳射之至死晉益其賊平高祖購得其尸祭以少牢贈涇州刺史爵平原郡公按薛舉傳舉蘭州金城人容貌魁岸武敢善射殖產鉅萬好結納邊豪爲長雄隋大業末任金城府校尉會賊囚隴西蓋起金城令郝瑗將討賊募兵數千敬舉將始授甲大會置酒舉與子仁果及其黨判瑗於座瑗稱捕及者即起兵囚郡縣官自號西秦霸王他賊宗羅摩帥衆下之以爲義與公所徇皆下瑗將皇甫兵萬人屯池罕舉以精卒二千襲之瑗於赤岸大風且烈逆舉瑗不覺依反風鎗屯氣色曜其部伍錯亂舉介騎先衆衆之拒陣大潰進陷池罕盡有隴西地十三年僭帝號於蘭州仁果爲太子仁果克秦州舉往都之高祖入關攻扶風秦主擊破之遂北至隴還秦長王遂駭聞走問其下曰古有降天子乎僞黃門侍郎蕭亮曰昔趙佗以南粵降漢劉繇亦仕晉近世蕭瑒其家令仔轉禍爲福嘗有之衛尉卿郝瑗曰亮之言非也昔漢祖兵臨敗劉先主害亡其妻于夫戰固自勝負豈可一不降便爲亡國計乎舉亦悔其言乃曰卿試公等即厚賜瑗等以爲謀主瑗請建榮師都厚略突厥合從東向舉從之約突厥莫質咄設犯京師會都水監宇文歆使突厥說止其兵故

古今圖書集成

舉謀塞武德元年豐州總管張長翽擊羅羅舉悉兵授之屯析城以誅單掠岐曲秦王擊之大高墜度舉少利連開堅壁老其兵會王疾臥屯不出而舉數挑戰行軍長史劉文靜殷開山觀兵於高墜待衆不設備舉兵掩其後遂大敗死者十六大將慕容羅羅李安遠劉弘基皆沒王還京師舉拔高墜仁果進逼軍州都瑗謀曰今唐新破將卒擒俘人心搖矣可乘勝直趨長安舉然之方行而病未幾死仁果代立僞臨高武皇帝仁果多力善騎射軍中號謂人敵性賊悍多殺人淫略民人妻妾雖舉殘虐亦惡之每戒曰汝材略足辦事而傷於虐終非宗及繼立諸將常有隙者咸猜懼郭暖舉病不起由是兵稍衰蓋王率諸將復壁高墜將請戰王曰我軍新銳氣少敗舉勝而驕有輕我心我聞壁以折之何表而擊可一戰擒也因令軍中曰敢言戰者斬入之仁果懼之挑戰不許其將年君才內史令程長慈以衆降左僕射鍾俱仇以河州降王舉賊可破遣將軍龐王擊宗羅敏於淺水原戰酣王以勁兵擣其背羅敏敗王率騎追奔於是悉軍馳之曰勢破竹不可失也夜半至析城遂明關仁果率僞官屬降王受之以仁果歸京師及會黨數十人皆斬之舉父子盜歷西五年滅初仁果降諸將且問曰羅羅雖破而賊城尚堅王能下之何也王曰羅羅雖破而賊城尚堅王可取也故吾使賊不及計是以克之諸將皆服按李密傳密與王世充戰敗將如解陽政曰何殺羅羅世勳傳羅羅死後密未平今可保乎時王伯當與金瑒屯河陽密輕騎歸之謂曰敗矣入苦諸君我今自刎

以謝衆伯當抱密傷紀衆皆泣莫能仰視密復曰幸不相棄當共歸關中密雖無功諸君必當貴懷柳燮曰昔盆子歸漢尚食均輸公與唐同族雖不共起然還歸路使無西故唐不戰而據京師亦公功也密又謂伯當曰將軍族重豈復與孤俱行哉伯當曰昔蕭何舉宗從漢今不昆季盡行以爲愧豈公一失利經去就哉雖限首穴曾所甘已左右感動遂來歸初密建號登壇疾風鼓其衣裴介及卽位孤鳴於旁惡之及將敗諸將有回風終於地激沙礫上層天白日爲晦屯營軍風相銜西北度洛經月不絕及入關兵尚二萬高祖使迎勞冠蓋相望密大喜謂其徒曰吾所舉雖不就而恩結百姓山東連城數百以吾故當盡歸國功下減實融豈不以台司處我及至拜光祿卿封邢國公殊怨望帝嘗呼之弟妻以表妹獨孤氏後禮薄執政者又求賄滋不平因朝會進食謂王伯當曰往往在洛口嘗欲以權君賢爲光祿不意身自爲此未幾聞故所部將多不附世充者高祖詔密以本兵就黎陽招撫故部曲經略東都伯當以左武衛將軍爲密副馳驅東至稠桑驛有詔復召密密大懼謀叛伯當止之不從乃曰士立義不以存亡易應公願伯當厚厚奉命以報今可同往死生以之然無益也乃簡驍勇數十人衣婦人服載羅羅藏刀裙下許爲家婢妾者入桃林傳舍須臾變服出據其城掠畜產趨南山而東馳告張善相以兵應已能州副將盛彥師率步騎伏陸渾縣南邢公視之下密兵度橫出擊斬之年三十七伯當俱死傳首京師密素得士衆多歎曰者按盛彥師傳彥師與史萬寶俱宜陽

經濟集編戎政典第一百四十五卷兵略部

李密叛出山南萬寶覆謂彥師曰密輕賊也以王伯當輔之扶思東歸之士非計出萬全不爲也殆不可當彥師笑曰請以數千兵爲公果其首萬寶問計答曰兵詭道也雖言即引衆賂洛水入熊耳山命士持滿夾道伏短兵溪谷間令曰賊平度乃舉所部皆笑曰賊寇洛州何爲備此彥師曰密善言人洛其實走襄城就張善相我據其要必禽之密果至彥師橫擊首尾不相救遂斬密及伯當武德二年閏二月朱榮殺段確以反五月涼州將安脩仁執李軌降按唐書高祖本紀武德元年八月壬午李軌降十月壬午朱榮陷鄧州刺史呂子威死之十一月乙巳涼王李軌反十二月辛巳鄭元璫及朱榮戰於商州敗之二年閏二月辛丑朱榮降乙巳御史大夫段確勞朱榮於菊潭四月辛丑朱榮殺段確以反五月庚辰涼州將安脩仁執李軌以降按朱榮傳榮大業中從軍伐賊長白山以命去爲盜賊可達寒賊自稱迦樓羅王衆十萬度淮屠竟陵河陽轉剽山南所至殘戮無遺唯僭號楚帝建元昌建政拔南陽軍未與山南撫慰使馬元規戰軍大敗收餘衆復振至二十萬衆所克州縣皆發穀粟以食衆徒無常去輒屠屠聚毀城郭不務稼穡藉以劫爲資於是人人大殺死者係路其軍亦困乃掠小兒蒸食之戒其徒曰味之珍寧有加人者弟使他人我即無備殺物所部略婦人孺兒分烹之又稅諸城細絹以益糧積者作佐郎陸從典通事舍人顏慆楚南陽梁引爲賓客後盡食兩家餒而諸城皆逃散顏州首領楊士林

第七五二冊 之四六集

古今圖書集成

田瓚起兵攻榮步都響應赴戰淮源榮大敗瓚殘士奔南道使乞降高祖以前御史大夫段確假散騎常侍勞之確醉飲榮曰君賄人多矣若為味榮曰噉嗜酒人正似醉確醉辱罵曰狂賊歸朝乃一奴耳復得噉人乎榮懼收確於坐并從者數十悉縶之以繫左右遂屠確渾壽王世充署龍驤大將軍東都平新洛水上士庶號稱元碑擊其尸須臾若冢按河間元王孝恭傳孝恭拜山南招慰大使徇巴蜀下三十餘州進擊朱榮破之俘其衆諸將曰榮徒貪人擊賊也隋阮之孝恭曰不然今到城皆吾寇若獲之則殺後渠有降者乎悉縱之由是騰傲所至輒下按呂子藏傳子藏蒲州河東人剛直健於吏隋大業末為南陽郡丞捕獲盜賊有功高祖入京師遣馬元規慰輯山南獨子藏堅守元規遣士溫曉子藏殺之及煬帝已弑帝更使其婿薛君情齎詔書言隋所以亡論子藏子藏為故君發喪乾即送款就拜鄆州刺史封南陽郡公武德初朱榮新歸子藏率兵襲元規并力元規兵不進子藏曰乘賊新敗上下惶沮一戰可禽若遲延其衆稍集吾食盡致死於我不可當也不納子藏請以所部兵獨進又不許俛而榮復振元規擊城子藏扼腕曰謀不見用坐公死矣賊固固會寒雨雄雉刺刺或勸其降子藏曰我天子方伯且降賊乎乃率麾下數百人赴敵瓦城亦陷元規死之按李軌傳軌字處則涼州姑臧人略知書有智辨家以財雄選好關人悉領燕稱之隋大業中補鷹揚府司兵薛舉亂金城軌與同郡曹珍關隴梁頌李贊安脩仁等計曰舉最悍今其兵必來更辟怯無足與計

者欲相發力據河右以觀天下變庸能束手以妻子餌人哉衆允其謀共舉兵然莫適敢主曹珍曰我聞讖書李氏當王今軌實非天啓乎遂共降拜以聽命脩仁夜率諸胡入內苑城建旗大呼軌衆響應之執虎賁郎將謝統帥部丞士政遂自稱河西大涼王署官屬準開皇故事初突厥烏曼那可汗弟達度闕設內屬保會軍川至是稱可汗降於軌達等議悉殺隋官屬分其產軌曰諸公既見推當要吾約今軍以義興意在救亂殺人取財是為賊何以求濟乎乃以統帥為太僕卿士政太府卿會薛舉遣兵來侵軌遣將敗之昌松斬首二千級悉擄其衆軌從還之李贊曰今力戰而俘又縱以資敵不如盡坑之軌曰不然若天命歸我當擒其主此皆我有也不者徒爾何益遂遣之未幾拔帳帳煌煌西平袍罕悉有河西武德元年高祖方事薛舉遣使涼州聖善慰結謂軌為從弟軌喜乃遣弟懸入朝帝拜懸大將軍還之詔鴻臚少卿張儀持節冊拜軌涼州總管給羽葆鼓吹一部會軌偕帝號建元安樂以其子伯玉為太子長史曹珍為尚書左僕射攻陷河州侯德至軌召其下議曰李氏有天下曆運所屬已宅京邑一姓不可就王今欲去帝號東向受冊可乎曹珍曰隋亡英雄森起號帝王者瓜分鼎峙唐自保關連大涼奄河右業已為天子奈何受人官必欲以小奉大請行誓故事稱梁帝而臣於周軌從之乃遣偏尚書左丞鄧曉來朝奉書稱從弟大涼皇帝帝怒曰軌謂朕為兄此不臣也因曉不遵初軌以梁頌為謀主授吏部尚書頌有算略衆悍之黨見故西域胡計故盛動軌情

之因與戶部尚書安脩仁交怨又軌于仲瑛嘗侯碩碩不為起仲瑛恨之乃相與譖碩軌不察齎其家殺之由是故人稍疑懼不為用有胡巫言曰上帝將遣王女從天來遂召兵築臺以候女多所廩損屬梓儼人相食軌毀家貨贖之不能給讓曹珍亦勸之謝統帥等故隋官內不附每引結軍胡排其用事臣因是欲離沮其衆乃廷詰珍曰百姓餓死皆弱不足事者壯勇士終不肯困且儲粟以備不虞豈宜吝散惠乎小乎僕射苟附下非國計軌曰善乃閉粟下益怨多欲叛去曹修仁兄與貴本在長安自表請涼州招軌帝曰軌據河西連吐谷渾突厥今與兵討擊尚為難驅使弄煩可下耶與貴曰軌盛強誠然若誘以逆順禍福宜懸如懸固不受臣世涼州豪望多識其士民而修仁為軌信任典事權者數十人若使陳國之無不濟帝許之與貴至涼州軌授以左右衛大將軍因問訪與貴以自安策與貴對曰涼州僻遠財力凋耗難勝兵十萬而地不過千里無險固自守今唐家據京師略定中原攻必下戰必勝蓋天啓也若舉河西地奉關東歸漢實融未足吾比軌默不答久之曰昔吳王濞以江左兵奮稱己為東帝我今舉河右不得為西帝乎雖唐強大如我何若無為唐誘致我與貴懼謝曰竊聞富貴不居故鄉如衣錦夜行今合宗蒙任敢有它志與貴知軌不可說乃與修仁等潛引邊兵圍其城軌以步騎千餘出戰先是薛舉柱國吳道宜率羌兵奔軌許以刺史而不與道宜怨故其擊軌軌敗入城引其兵登陴須外援與貴傳言曰唐使我來取軌不從者罪三族於是諸城不

敢動輒嘆曰人心去矣天亡我乎乃攜妻子上玉女臺屬酒爲別修仁執送之斬於長安自起至凡三年

武德三年四月秦王與劉武周戰於洛州敗之武周亡入突厥

按唐書高祖本紀二年四月庚子齊王元吉及劉武周戰於榆次敗績六月丁未劉武周陷介州九月丁丑裴寂及劉武周戰於介州敗績右武衛大將軍姜寶誼死之辛巳劉武周陷并州十月壬戌劉武周寇晉州末安王孝基及工部尚書獨孤懷恩陝州總管于筠內史侍郎唐儉討之是月秦王世民討劉武周十二月丙申末安王孝基及劉武周戰於下邳敗績三年四月甲寅秦王世民及宋金剛戰於雀鼠谷敗之王成秦王世民及劉武周戰於洛州敗之武周亡入於突厥按太宗本紀劉武周據并州宋金剛陷洛州王行本據蒲州而夏縣人呂崇茂殺縣令以應武周高祖懼詔諸將棄河東以守關中太宗以爲不可棄願得兵三萬可以破賊高祖於是悉發關中兵空之十一月出龍門關屯柏壁二年四月擊敗宋金剛於柏壁金剛走介州太宗追之一日夜馳二百里宿於雀鼠谷之西原軍士皆飢太宗不食者二日行至洛州乃得食而金剛特尉遲敬德等相皆來降劉武周懼奔於突厥其將楊伏念舉并州降高祖遣蕭瑀即軍中拜太宗益州道行臺尚書按尉遲敬德傳敬德召恭以平行朔州善陽人大業末從軍高陽積閱爲朝散大夫劉武周亂以爲備將與宋金剛南侵得晉清州製破末安王孝基執獨孤懷恩等

武德二年秦王戰柏壁金剛敗奔突厥敬德合餘衆守介休王遣任城王道宗宇文士及諭之乃與尋相舉地降

按舊唐書劉武周傳上谷人宋金剛有衆萬餘人在易州界爲羣盜定州賊帥魏刀兒與相表裏後刀兒爲黃建德所滅金剛救之戰敗率餘衆四千人奔於武周武周素聞金剛善用兵得之甚喜號爲宋王委以軍事中分家產遺之金剛亦深自結納遂出其妻請聘武周之妹又說武周入圖晉陽南向以爭天下武周授金剛西南道大行臺令率兵三萬人侵并州軍黃地鎮又引突厥之衆兵鋒甚盛襲破榆次縣進陷介州高祖遣太常少卿李仲文率兵討之爲賊所執一軍全沒仲文後得逃還復遣右僕射裴寂拒之戰又敗績武周進逼總管齊王元吉委城遁走武周遂據太原遣金剛進攻晉州六日城陷石驍衛大將軍劉弘基沒於賊進取蒲州屬縣悉下夏縣人呂崇茂殺縣令自號魏王以應賊河東賊帥王行本又密與金剛連和關中大駭高祖命太宗益兵進討屯於柏壁相持者久之又命末安王孝基陝州總管于筠工部尚書獨孤懷恩內史侍郎唐儉進取夏縣不能克軍於城南崇茂與賊將尉遲敬德襲破孝基營諸軍並陷四將俱沒敬德還蒲州太宗遣擊於美良川大破之敬德與賊將等相又援王行本於蒲州太宗復破之於蒲州高祖親幸蒲津關太宗自柏壁輕騎謂高祖於行在所宋金剛遂圍絳州及太宗還金剛懼而引退武周復攻李仲文於洛州鎮戰皆敗又餓運不屬賊衆大饑於是金剛遂遁太宗復追及金剛

於雀鼠谷一日八戰皆破之俘斬數萬人獲輜重千餘兩金剛走入介州王師逼之金剛尚有衆二萬出其西門背城而陣太宗與諸將力戰破之金剛輕騎遁走其驍將尉遲敬德等相張萬歲收其精兵舉介州及末安來降武周大懼率五百騎奔并州北走自乾陽谷亡奔突厥金剛復收其亡散以拒官軍人莫之從與百餘騎復奔突厥太宗遣平并州悉復故地未幾金剛背突厥而亡將還上谷爲追騎所獲腰斬之武周又欲謀歸馬邑事洩爲突厥所殺武周自初起至死凡六載初武周引兵南侵苑君璋說曰唐主舉一州之兵定三輔之地郡縣影附所向風靡此固天命豈曰人謀且并州已南地形險阻若懸軍深入恐後無所繼不如連和突厥結援唐胡南面稱孤足爲上策武周不聽還君璋守朔州遂侵汾晉及敗泣謂君璋曰恨不用君言乃至於此武周既死突厥又以君璋爲大行臺統其餘衆仍令郁射設督兵助鎮高祖遣諭之君璋部將高滿政謂君璋曰突厥豈可北面事之不如盡殺以歸唐朝君璋不從滿政因人心夜逼君璋君璋亡奔突厥滿政遂以城來降拜朔州總管封榮國公明年君璋復引突厥來攻馬邑滿政死之君璋盡殺其黨而去還保恆安君璋所部稍稍離散勢覺請降高祖許之遣使賜以金帛會突厥頗利可汗復遣召之君璋猶豫未決其子孝政曰劉武周足爲殷鑒今既降唐又歸諸利取滅之道也懼儲已盡人情悉離如更遲留變生肘腋恆安人郭子威說君璋曰恆安之地王者舊都山川形勝足爲險固突厥方強爲我唇齒據此堅城足觀天下之變何

古今圖書集成

乃欲降於人也君璋然其計乃執我行人送於突厥
與突厥合軍寇太原之北境君璋復見讓利政亂竟
率所部來降

欽定古今圖書集成經濟彙編戎政典

第一百四十六卷目錄

兵略部考四十四

唐二

唐二

戎政典第一百四十六卷

兵略部考四十四

唐二

高祖武德四年五月秦王敗竇建德於虎牢王世充
附九月荊州總督趙郡王李孝恭敗蕭銑於荊州十一
月杜伏威討李子通敗之于通降

執唐書高祖本紀武德二年二月丁卯王世充陷
州隋州刺史李育德死之四月乙巳王世充廢趙王
嗣自稱皇帝癸亥陷伊州執總督張善相六月王世
充殺趙王嗣三年四月辛酉王世充陷鄆州總督雷
四郎死之七月壬戌秦王討王世充四年四月齊王
九吉及王世充戰於東都敗績行軍總督盧君諤死
之五月王世充王世民敗竇建德於虎牢執之戊辰
王世充降七月甲子秦王世民俘王世充以獻丙寅
竇建德伏誅九月荊州總督趙郡王李孝恭率十二總
督兵以討蕭銑十月敗蕭銑於荊州執之十一月庚
寅李子通降丙申子通謀反伏誅 按太宗本紀武
德三年七月討王世充敗之於北邙四年二月竇建

古今圖書集成

經濟彙編戎政典第一百四十六卷兵略部

德率兵十萬以復世充太宗敗建德于虎牢執之世
充乃降六月凱旋 按王世充傳武德二年四月世
充矯稱帝位建元開明國號鄭世充率衆東向地
至滑州兵臨黎陽時黎陽爲竇建德守故建德亦破
世充軍敗州以報其役三年秦練兵營於伊閭守將
羅士信豆盧瑑珣歸國世充顧下多背已乃峻詠
禁以威之戶一人逃家無少長皆坐七月高祖詔
秦王率兵攻之至新安屯保多下敗世充於慈澗城
八月王世充兵背城官世充悉精兵來拒隔澗言曰隋
失其國天下分崩長安洛陽各有分地吾常自守不
敢西顧熊羆二州在度內不取敦鄰好也今王遠涉
吾地越三峭嶺糧千里動師遠出將何求王曰四海
之人皆承唐正朔獨公遂不復東都士民來請師降
下重違我是以來公若降當貴可保必世我之無
多言世充約割地不許荊州總督田瑒舉山南二
十五郡歸九月王君廓進拔賴輒向地至管城河南
州縣以次降定始竇建德與世充隙至是建德遣使
結好并陳赴援意世充遣兄子琬內史令長孫安世
報且乞師四年二月青城宮守將以官降王進保之
世充引兵出方諸門隔數水以戰王陣北即令屈突
通步士五千踰水擊之兵接王以騎決戰世充排殲
兵殊死關自展及午乃潰俘斬八千人王傳城壘而
守之世充糧且盡人相食至以水汨泥上礮取浮土
糲米屑爲餅民病腹股弱相藉道其尚書郎盧
君業郭子高等皆餓死御史大夫鄭元爲浮屠世
充惡其言殺之然氣竭但嬰城須建德之救五月王
檢建德并獲王琬長孫安世俘示東都城下且遣安

世入言敗狀世充惶惑將突圍出保襄陽謀於諸將
皆不答遂率將吏降軍門王受之以屬吏陳兵入城
發府庫賞將士其黃門侍郎薛德音以移檄獲逆崔
弘丹逆夥多傷士並誅之又收殺達楊汪孟孝義軍
雄信楊公卿郭士衡郭什住黃濬張童仁朱榮王德
仁等斬洛洛上以世充歸長安高祖數其罪世充曰
計臣罪不容誅但秦王許臣以不死乃敢爲庶人與
其族徙於蜀將行爲羽林將軍獨孤修德所殺初修
德父機嘗仕越王侗世充既篡謀歸唐爲所屠者也
世充墓凡三年滅 按竇建德傳武德元年字文化
及至魏縣建德謂其納言宋正本及德紹曰吾隋民
也隋君君也今化及殺之大逆不道乃吾讎欲爲天
下誅之何如正本等曰大王奮布衣起漳南隋之弱
城莫不爭附者以能仗順扶義安四方也化及爲隋
姻里倚之不疑今我君而移其國仇不共天誅敢行
執其罪建德善之即引兵討化及連戰敗之化及保
鞏城乃縱燒車機石四面乘城拔之建德人先謁蕭
皇后語稱臣執宇文智及楊士覽元武達許弘仁孟
景等召隋文武官共臨斬之象首轅門囚化及并其
子載以檻車至大陳縣斬之建德性約素不喜食肉
飯脫粟加蔬具妻曹未嘗衣絨綺及爲王妾侍數十
數每下城城散賫寶並散賣將士至是得隋宮人尚
千數悉放去其文武驍勇尚萬餘各聽所之乃以誅
化及報越王侗何封之夏王遠號大夏以隋黃門侍
郎裴矩爲尚書右僕射兵部侍郎崔君庸爲侍中少
府令何稠爲工部尚書餘隨才署職委以政事有願
往關中及東都者悉聽不留仍給道里費以兵護出

第七五二冊 之四八葉

二 人 臣 事 考 五

於境二年陷趙趙三州復陷冀州執刺史劉矩殺之役以爲刺史八月陷洛州擄刺史袁子幹送遷都焉更流萬春宮使人如漵津祠先墓置守家三十家又遣使朝伺因與王世充結欽北聘突厥士馬益精雖使而世充廢祠乃絕之始建天子旌旗出入警蹕齊稱詔追諡隋帝爲開帝以齊王諱子政道爲郎公義成公主在突厥遣使迎蕭后建德自將千餘騎送之并獻化及首木義成厥後相州刺史呂瑛死之進攻衛州執河北大使淮安王神通同安長公主黎陽守將李世勣釋之復使世勣守黎陽信王公主信以客禮滑州刺史王軌爲奴所殺奴以首奔建德建德曰奴殺主大逆納之不可不賞賞逆則所教將焉用爲命斬奴而返執首滑人德之遂降齊濟二州亦降兗州賊徐圓朗風送款三年世勣自投歸國吏曰建德誅其父建德曰世勣唐臣不忘其主忠也父何罪釋不問高祖遣使修好建德即以公主等歸京師齊執趙州刺史張志昂邢州刺史陳君賓大使張道源等將殺之國子祭酒凌敬諫曰夫大吹非其主彼悉力堅守以窮就擒伏節士也今殺之無以勸建德怒曰我傳其城猶不下勞費士旅何可赦敬曰王之大將高士與抗難善於易南兵未交士與即降王以爲可乎建德悟即釋之然其大將王伏寶數持兵功略在諸帥上或議其反建德殺之伏寶臨死呼曰我無罪王何信我自刎左右手乎後數年不利九月建德自帥師圍幽州爲羅藝所敗藝乘勝襲其營建德陣營中填堦而出敗藝乘進海其城不能拔乃遷建德賊王海公兵三萬據州橋城以掠河南建德

自擊之會秦王伐東都其中書舍人劉斌獻說曰唐據關內鄭王河南夏有冀方此鼎足相持勢也今唐悉兵臨鄭出入二年鄭人日蹙二國兵不解唐強鄭弱勢必舉鄭鄭滅則大夏有備秦之憂爲大王計莫若援鄭使鄭抗其內我攻其外唐之兵必卻唐卻而鄭完然後徐觀其變鄭若可圖因而取之并一國兵乘唐師老長驅而西關中可運有也建德曰善乃遣使聘世充與通和會世充亦自乞師即令其臣李大師魏處綸來朝請解鄭圍秦王留之不答四年建德克周橋擄海公留其將范願成之悉發海公徐圓朗之衆并兵號三十萬救世充至滑州世充行據僕射韓弘開城納之建德是過梁元管三州皆陷遂屯榮陽運糧沂河西上舟相屬不絕壁成軍東原蔡督板清遣使與世充約期又遣秦王以書三月王進據虎牢翌日以騎五百覘建德營設伏道側獨以數騎去賊營三里覺賊出騎追之王漸卻誘至伏所卒起奮擊賊騎驚引去追斬三百級獲其將殷秋石瑋乃報建德以書建德失二將又聞唐兵精得奮奮往頓六十日不敢西時世充弟世辯爲徐州行臺亦遣將郭士衡兵數千人從建德王遣王君廓以輕騎抄其後執賊大將張清特建德懼人情憤其諸將又新破海公掠獲盈給日夜思歸度敬說建德曰今唐以重兵圍東都守虎牢我若悉兵濟河取懷州河陽以重將成之然後鳴鼓建旗踰太行入上黨傳檄旁郡進登口以賊蒲津收河東地此上策也且有二利乘虛掠境師有萬全一也拓土得衆二也鄭圍自解三也建德將從之而王琬長孫安世日請兵西言必流涕

又陰齎金帛陷諸將以挽其謀衆乃曰受敬書生豈知戰建德乃謝曰今士心銳天贊我也師將大捷方用衆議不得如公言敬固爭建德怒命扶出其妻諫曰祭酒計其善王蓋用之夫自溢口道乘唐之虛運營漸進以取山北因招突厥西抄關中唐必還師自故鄭難紆矣今頓兵虎牢下徒自苦恐無功建德曰此非女子所知且鄭朝暮待吾來既許之豈可見難而退且示天下不信五月建德自板渚出爲陣西薄汜南屬鵠山互二十里鼓而前郭士衡爲游兵秦王登虎牢城望其軍按甲不戰曰賊起山東未嘗見大敵今度險士暮令不慮也逼城而陣有輕我心待其餒破之果矣日中建德士皆坐列渴爭飲意益怠王麾軍先登騎怒塵大漲乃率史大奈秦叔寶羅喉驍馳出賊陣後建德軍顧而驚遂大潰建德被重創鼠牛口谷車騎將軍白士讓楊武威獲之傳而西斬長安市年四十九初其軍有諺曰豆入牛口勢不得久至是果敗建德妻與其左僕射齊善行以騎數百還還洛州餘黨欲立其子爲主善行曰王王奄定河朔號爲威強今一出不復非天命有歸哉不如委心請命無爲塗炭生民也遂分府庫散給諸將士令各解去善行乃與右僕射裴矩行臺曹且事官屬及建德妻奉山東地并傳國八夏來降建德起兵至滅凡六年按尉遲敬德傳敬德隋朝散大夫劉武周亂以爲偏將與宋金剛南侵武德二年金剛敗奔突厥敬德合餘衆守介休王遣任城王道宗宇文士及諭之乃與尋相舉地降引爲右一府統軍從擊王世充會尋相叛諸將疑敬德且亂囚之王曰敬德若叛寧

二八 司馬集

皆後時相者邪釋之引見臥內曰丈夫意氣相許小
嫌不足置胸中我終不以讓害良士因賜之金曰必
欲去以爲改改是日獵檢宴會世充自將兵數萬來
戰單雄信者賊驍將也騎直趨王敬德驍馬大呼橫
刺雄信墜乃翼王出率兵還戰大敗之擒其將陳智
略獲排稍兵六千王顯曰比衆人意公必叛我獨保
無他何相報之速耶賜金銀一篋賁建德營板渚王
命李勣等爲伏親執弓令敬德執稍略其軍大呼致
師建德兵出乃稍引却殺數十人衆益進伏擊大破
之時世充兄子琬使於建德乘隙帶厥馬鎧甲華蓋
出入軍中以夸衆王望見問誰可取者敬德請與高
瓶生衆建方以三騎馳往禽琬引其馬以歸賊不敢
動 按某行恭傳行恭從討王世充戰邱山太宗欲
官賊盧寶以數十騎衝出陣後多所殺傷而限長堤
與諸騎相失唯行恭從賊騎追及流矢著太宗馬行
恭回射之發無虛發賊不敢前進下披請以己馬進
太宗步執長刀大呼導之斬數人突陣而還貞觀中
詔斷石爲人馬像拔箭狀立昭陵闕前以旌其武功
云 按羅士信傳張須陁爲李密所殺士信與裴仁
基歸唐署總管俾統所部討王世充身被重創見獲
於世充世充愛其才厚遇之與同寢食後得密將郝
元其等士信稍稍疏斥士信恥與伍事所部千餘人
來降高祖拜陝州道行軍總管因謀世充士信行則
先鋒反則殿有所獲悉散散下有功者或脫衣解馬
賜之士以故用命然持法嚴至親舊無少貸其下亦
不甚附師大洛陽攻千金堡堡有惡言詢軍士信怒
夜遣百人破堡見賊謀堡下若自東都出奔者既而

陽悟曰非也此千金堡耳因散去堡兵開門追掠士
信伏入屠之無賴賊平授絳州總管封鄆國公 按
李育德傳育德趙州人祖諱仕隋通州刺史爲名臣
世富於財家僮百人天下亂乃私完械甲嬰武勝城
自保人多從之遂爲長劇賊來掠不能克隋亡與柳
變等歸李密私署總管密爲王世充所破以郡來降
即拜陝州刺史兄厚德自賊所逃歸渡河復被執賊
使招育德陽許之故兄不死賊帥段大帥令裨校以
兵守厚德陰得其驕乃與州人賈慈行謀逐賊慈行
夜登城呼曰唐兵登矣厚德自獄中擁軍四謀而出
斬長史衆不敢動大師縱城走即拜股州刺史厚德
省親留育德以守引兵拔賊河內堡三十一所世充
怒悉銳士攻之陷城僧力戰與三弟皆歿 按秦瓊
傳瓊字叔寶以字顯齊州歷城人始爲隋將來護兄
帳內母喪護見遺使弔之吏怪曰士卒死喪將軍
未有所問今獨弔叔寶何也護見曰是子才而武志
節完整豈久處卑賤耶俄從通守張須陁擊賊盧明
月下邳賊衆十餘萬須陁所統十之一一堅壁未敢進
糧盡欲引去須陁曰賊見兵却必悉衆追我得銳士
襲其營且有利誰爲吾行者衆莫對惟叔寶與羅士
信奮然行乃分助兵千人伏梓間須陁委營通明月
悉兵追躡叔寶等馳叩賊營門開不得入乃升樓拔
賊旂賊殺數十人營中亂即斬關納外兵縱火焚三
十餘屯明月奔還須陁回擊大破之又與孫宣雅戰
海曲先登以前後功擢建節尉從須陁擊李密衆陽
須陀死率殘兵附裴仁基仁基降密密得叔寶大喜
以爲帳內驍騎待之甚厚嘗與字文化及戰黎陽中

矢盡馬潰死追兵至獨叔寶捍衛得免後歸王世充
署龍驤大將軍與程曉金計曰世充多詐數與下呪
誓乃巫蠱非撥亂主也因約俱西走策其屬謝世充
曰自顧不能奉事請從此辭賊不敢逼於是來降高
祖俾事秦王府王尤獎禮從僕長存官拜馬軍總管
按薛萬均傳萬均本敦煌人後徙京兆咸陽父世
雄大業末爲涿郡太守萬均與弟萬徹因客幽州以
材武爲羅藝所厚善與藝歸款高祖授萬均上柱國
未安郡公寶建德帥衆十萬寇范陽藝迎拒之萬均
曰衆寡不敵宜以計勝即教藝募兵阻水以誘之萬
均自以精騎百人匿城左建德師度水遽半渡擊之
大敗其衆明年建德以二十萬騎來攻兵已聚萬
均與萬徹率死士百人出地道掩擊其背衆驚潰去
按薛收傳收字伯褒蒲州汾陰人隋內史侍郎道
衡子也出繼從父蒲年十二能屬文以父不得死於
隋不肯仕郡舉秀才不應聞高祖與道人首陽山將
應義舉通守堯君素覺之迎置其母城中收不得去
及君素東連王世充遂挺身歸國房元齡臺言之秦
王王召見問方略所對合旨授府主簿判陝東大行
軍金部郎中是時方討世充軍事繁綜收爲書檄露
布或馬上占辭談敏如衆攜初不妄定實建德來援
諸將爭言敵軍以觀賊形勢收獨曰不然世充據東
都府庫盈衍其兵皆江淮選卒正苦乏食餉是以求
戰不得爲我所持今建德身懸衆以來必飛輓轉糧
更相資哺兩賊連圍則伊洛間勝負未可歲月定也
不若勒諸將嚴兵繕壘沒其溝防戒毋出兵大王親
督精銳據成車馬兵按甲進建德路絕以疲老當得

經濟編戎政典第一百四十六卷兵略部

第七五二冊 之四九集

古今圖書集成

堂堂之鋒一戰必舉不旬日二賊可縛致麾下矣王曰善遂擒德降世充王入觀音宮室且歎煬帝無道殲人力以事奪後收進曰噫字離離殷辛以亡土隋茅茨唐堯以昌始皇與阿房而秦禍速文帝罷露臺而漢祚永後主曾不是察奮處是矜死一夫之手爲後世笑何此之能保哉王重其言俄授天策府記室參軍按封倫倫字德彝秦王討王世充倫參謀軍事時兵久不決帝欲班師王遣倫西見帝曰賊地雖多輜廩不相使所用命者洛陽耳計窮力屈死在旦夕今解而西則賊勢盤結後難以圖帝納之賊平帝謂侍臣曰始議東討時多沮解者唯王謂必克倫贊其行雖張華叶策有武亦何以加於是封平原縣公判天策府司馬初賀建德援洛陽將起虎牢倫與蕭瑀謀不可不至是入賀王笑曰不用公言今日幸而捷豈智者千慮或有失乎倫謝素不及按蕭瑀傳統後梁宣帝會孫也祖嚴開皇初叛隋降陳亡文帝誅之統少貧備書事母孝煬帝以外戚擢爲軍川令大業十三年岳州校尉張珍雷世猛旅帥鄭文秀許元微萬瓊徐德基郭華汙人張續等謀反隋且推景珍爲王景珍曰吾素微雖假名號衆不服羅川令故梁裔也寬仁大度有武皇遺風且吾聞帝王之興必有符命隋冠帶悉就起梁蕭氏中興象也今推之以應天順人不亦可乎乃遣人告統統即報景珍書曰我先君昔事隋職實無虧乃食我上干滅我宗昉我痛心疾首思願厭聆今天誘乃衷公等降心將大復梁緒徵福於先帝吾敢不糾屬士衆以從公哉即募兵數千揚言跡盜將以應景珍會

頤州賊沈柳生寇縣統出戰不利謂其下曰岳陽衆保將推我爲主今天下叛隋吾能守節獨完哉且吾先人國於此若徇其請復梁祚因以半紙微名舉盜誰敢不從衆悅乃以十月稱梁公旂幟服色悉用其舊柳生以衆歸統用爲車騎大將軍不五日遠近爭附衆數萬乃趨巴陵景珍遣徐德基郭華率強壯數百迎謁而先見柳生柳生與其下謀曰梁公起我最先隨動第一今岳陽兵衆而位多誰肯爲我下不如殺德基質其人挾梁王以進則吾誰先因殺德基詣中軍白統統曰今欲撥亂道自相屠我不能爲若主矣步出軍門柳生懼伏地請罪統責有之陳兵而進景珍曰德基倡義竭誠柳生擅殺之不誅無以爲政且因賊與共處必爲亂統因斬柳生於是築壇城南梁上帝自稱梁王有異焉至建元爲鳳鳴義舉二年僭稱皇帝署百官一用梁故事追諡從父宗爲孝靖帝備將張鎮州王仁壽擊統不能克及隋亡乃與齊長興等率嶺南州縣降於統時林士弘據江南統遣將蘇胡兒投豫章使楊道生取南郡張續略定嶺表西至二峽南至交趾北拒漢水皆附屬兵四十萬武德元年徙都江陵復圖霸引岑文本爲中書侍郎掌機密道生攻峽州刺史許紹擊破之士死過半三年高祖詔裴州總管趙郡王孝恭討之拔還開二州斬偽東平王閻提諸將獲兵糧悉統恐浸不制乃陽議休兵營農以瞞其機大司馬蕭景珍之弟爲將軍怨之謀作亂事泄被誅景珍方鎮長沙統下書赦之召還江陵景珍懼遣使詣孝恭舉地降統進補攻景珍景珍曰前年臨彭越往年殺韓信得不見乎

奈何相攻捕不答剛之景珍潰而走麾下殺之統進補爲尚書令續持功亦驕統又誅之統性外寬內忌疾勝己者于是失大臣舊將皆疑間多叛去統不能禁由此愈弱四年詔孝恭與李靖率巴蜀兵順流下廬江王瑒由襄陽追黔州刺史田世康出辰州道會兵圖統僞將周法明以四州降即詔爲黃州總管趙夏口道攻安州克之僞將雷長穎以魯山降統乃遣將文士弘拒孝恭戰清江口孝恭大破之復開艦千艘拔宜昌當陽枝江松滋僞江州將蓋彥舉以城降孝恭靖直逼其都初統放兵止留宿衛數千人及倉卒追集江嶺遺棄未及赴孝恭布長圍守之數日破其水城取樓船數千交州總管丘和長史高士廉司馬杜之松詣靖降統度救不至謂其下曰天不祚梁平待窮而下必害百姓今城未拔先出降可免亂諸人何患無君乃應而令守陣者皆擲以大牢告于廟率官屬總衰布幘詣軍門謝曰當死者統爾百姓非罪也請無殺掠孝恭受之護送京師後數日救兵至且十餘萬知統降乃送款統至高祖讓之對曰隋失其鹿英雄競逐統無天命故爲陛下禽計田橫南面豈負漢帝帝怒其不屈詔斬都市年三十九自偕國至歲凡五年按河間元王孝恭傳蕭統據江陵孝恭數進策圖統帝嘉納進王趙郡以信州爲荊州乃大治舟艦肆水戰會李靖使江南孝恭倚其謀遂圖江陵遣召巴蜀首領子弟收用之外示引權而內實質也俄進荆湘道總管統水陸十二軍發夷陵破統二鎮縱戰艦放江中諸將曰得舟當濟吾用棄之反資賊奈何孝恭曰統之境南際嶺左溥洞庭地險士

五入司書長

衆若城未拔而援至我且有內外憂難多何所用之今統源江鎮成見難初江下必謂統已敗不即進兵視候往返以引致期則皆既拔江陵矣已而救兵到巴陵見船疑不進統內外阻絕遂降按李靖傳蕭銑孫江陵陷靖安輯從數萬騎至金州會蠻賊鄒世洛兵數萬屯山谷間江王瑛討不勝歸爲瑛謀擊卻之進至峽州阻兵不得前帝謂瑛曰都督許紹新靖結爲請而免開州蠻再襲則寇難州趙郡王李孝恭戰不利靖率兵八百破其屯要險設伏新聲則俘禽五千帝謂左右曰使功不如使過果然靖遂陳圖說十策有詔拜靖行軍總管兼攝李恭行軍長史軍政一委爲武德四年八月大閱兵壽州時秋潦滿漲悉以靖水能下不設備諸將亦謂江平乃進靖曰兵機事以速爲神今士始集統不及知若乘水傳壘是震遠不及應耳有能會卒召兵無以禦我此必禽也李恭從之九月舟師叩夷陵統將文士弘以卒數萬屯清江李恭欲擊之靖曰不可士弘健將下皆勇士今新失荆門恐統拒我此致敗之師不可當宜駐南岸待其氣衰乃取之李恭不聽留靖守屯自往與戰大敗還賊委舟楫掠視其亂縱兵擊破之取四百餘艘溺死者萬人即率輕兵五千爲先鋒趨江陵薄城而營破其將楊若虛郎文秀等甲士四千李恭軍進銳大懼散名江南兵不及到明日降靖入其都號令靜嚴軍無私焉或請靖統將拒戰者家貨以賞軍士靖曰王者之兵中人而取有罪彼其害事以來藉以拒師本非所情不吝以報逆比之今折定荆鄧宜示寬大以慰衆心若降而後之

恐自荆而南壁城劇屯賊之死守非計之善也止不轉由是江漢列城爭下以功封李康縣公檢校荊州刺史乃度嶺至桂州分道招慰酋豪益等皆以子弟來謁南方悉定裁量款效承制補官得郡九十六戶六十餘萬詔勞勞勉按李靖通傳子通沂州亦人少貧以漁獵爲生居其鄉見班白負載者必代之家有餘財則以與人而喜報仇隋大業末長白山賊左才相自號博山公于通依之以武力雄其間鄉人有陷賊者于通尋經護之方是時羣盜聚忍備子通仁愛歸者遂多不半歲有徒萬人才相畏忌子通乃引衆度淮與杜伏威合爲隋將來整所破奔海陵得衆二萬自稱將軍大業十一年僭號楚王宇文文化及弒煬帝以右禦衛將軍陳稜爲江都太守已而稜降高祖授以總管即守其郡子通攻殺稜窮乞師於沈法興杜伏威伏威自將屯清流法興遣子輪屯揚子關數十里于通納言毛文深請舉衆人詐爲法興兵夜襲伏威二人遂交惡無敢先戰者于通得悉力取江都遂據之稜奔而免子通偕即皇帝位國號吳建元明政齊賊衆伯通先爲化及守丹陽即以衆萬餘降之子通用爲尚書左僕射又敗法興兵遂取晉陵以法興所署李百果爲內史侍郎典文徵尚書左丞殷芳爲太常卿司禮樂由是江南十人歸之會杜伏威命輔公祏投丹陽進屯淩水子通戰敗糧且盡衆江都保京口伏威盡得其地伏威東走太湖吳散兵二萬人復引擊法興與吳郡破之振餘衆東據會稽南距嶺西抵宣城北太湖悉有之武德四年伏威遣王雄誕討于通表蘇州敗績退保杭州雄誕進傳

城子通窮乃降伏威受之并衆伯通還京師高祖薄其罪賜宅一區田五頃資予頗厚及伏威來朝于通語伯通曰東南未靖而伏威來我故兵多在江外若收之可建大功遂皆亡及監田關爲關吏所獲並伏誅按王雄誕傳伏威遣輔公祏率子通以雄誕嗣後爲副賊深木子通敗公祏衆勝追之反爲所擒士皆走壁雄誕曰子通壯於勝無營壘今急擊之必克公祏不從雄誕獨襲私卒數百銜枚夜往乘風火之子通大敗走度太湖武德四年與子通戰蘇州却之子通以精兵保衛松蘿嶺遣將陳當率千兵出不意乘高敵峰張疑棧夜燒炬於樹偏山澤子通懼燒督遁伏餘杭雄誕追食之按輔公祏傳公祏齊州臨濟人隋季與鄉人杜伏威爲盜轉掠淮南伏威兵沒盡自號總管以公祏爲長史賊李子通據江都伏威使公祏以精卒數千度江擊之子通拒戰衆十倍銳其公祏選甲士千人操長刀居前列別以千人隨之令曰御者斬公祏以衆股俄而子通方陣而進長刀千人皆決死鬪公祏縱左右翼搏之子通大潰降其衆數千武德五年十月循州總管楊世略敗林業師斬之林士弘降按唐書高祖本紀五年十月己巳林士弘降按林士弘傳士弘饒州都陽人隋季與鄉人樓師乞爲盜師乞自號元興王建元天威大業十二年據豫章以士弘爲大將軍隋遣治書侍御史劉子湖討賊射殺師乞而士弘收其衆復戰彭蠡子湖敗死之遂大振衆十餘萬據豫州自號南趙王俄僭號楚霸皇帝建

經濟篇國政典第一百四十六卷兵略部

元為太平侍御史鄧大簡以九江郡下之士弘任其
黨上戎為司空臨川廬陵南康宜春奉新皆殺降守
令以附北盡九江南番禹悉有之後蕭統以舟師破
豫章士弘獨有南昌虔備湖之地統敗其亡卒稍歸
之復振趙郡王孝恭招慰降南州武德五年士
弘弟鄧陽王業師以兵二萬圍循州總管楊世略破
斬之士弘請降上戎亦獻南昌地詔戎為南昌州總
管士弘復通保安城山誘潰亡謀復亂袁人相聚應
之為張善安所察以兵赴討會士弘死其黨乃解
武德六年春正月諸葛德威執劉黑闥以降二月行
軍總管李世勣敗徐國朗執之

按唐書高祖本紀武德四年七月甲戌劉黑闥反於
貝州八月丁未劉黑闥陷歷亭屯衛將軍王行敏死
之辛亥深州人崔元遷殺其刺史裴曉叛附於劉黑
闥十月庚寅劉黑闥陷澤州執刺史盧士敏又陷觀
州十一月壬寅劉黑闥陷定州總管李元通死之庚
戌杞州人周文舉殺其刺史王孝矩叛附於黑闥十
二月乙卯黑闥陷冀州總管鞠陵死之甲子左武侯
將軍李世勣及黑闥戰於宋州敗績丁卯秦王世民
齊王元吉討黑闥已黑闥陷邢州庚午陷魏州總
管潘道綬死之辛未陷棗州五年正月乙酉劉黑闥
陷相州刺史房晃死之庚寅東鹽州治中王才諒殺
其刺史田華叛附於黑闥丙申相州人殺其刺史劉
孤微以其州叛附於劉黑闥二月丁丑黑闥陷洛水
總管羅士信死之三月丁未秦王世民及劉黑闥戰
於洛水敗之黑闥亡入於突厥七月甲午以淮陽郡
王道元為河北道行軍總管討劉黑闥貝州人董該

以定州叛附於黑闥九月黑闥陷澤州刺史馬匡武
死之東鹽州人馬君德以其州叛附於黑闥十月己
酉齊王元吉討黑闥癸丑貝州刺史許善護及黑闥
戰於鄆縣死之甲寅魏州刺史劉君會叛附於黑闥
乙丑淮陽郡王道元及黑闥戰於下博死之十一月
庚辰劉黑闥陷滑州甲申皇太子討黑闥十二月戊
午劉黑闥陷恆州刺史王公政死之王申皇太子及
劉黑闥戰於魏州敗之甲戌又敗之於毛州六年正
月己卯黑闥將葛德威執黑闥以降庚寅徐國朗陷
泗州二月劉黑闥伏誅丙寅行軍總管李世勣敗徐
國朗執之按太宗本紀五年正月討劉黑闥於洛
州敗之黑闥既降已而復反高祖怒命太子建成取
山東男子年十五已上悉坑之賊其小弱婦女以實
關中太宗切諫以為不可遂已按隱太子傳中允
王珪洸馬魏徵以帝初與建成不知謀而秦王數平
劇寇功冠天下英豪歸之陰許立為皇太子勢危甚
會劉黑闥亂河北珪等進說曰殿下特以嫡長居東
宮非有功德為人所排道今黑闥與叛賊聚眾不盈
萬利兵塵之唾手可決勝往討因結山東英俊心自
封建成速行黑闥敗洛水建成問微曰山東其
定乎曰黑闥雖敗殺傷太甚其魁黨皆將名處死妻
子係縛欲降無由雖有赦令獲者必殺不大為有恐
殘賊嘯結民未可安既而黑闥復振盧江王瑗樂洛
州山東亂命齊王元吉討之有詔降者赦罪衆不信
建成至獲俘皆撫遺之百姓悅悅賊懼夜奔兵追戰
黑闥衆皆盡乃縱囚使相告曰彼而甲還鄉里若妻
子獲者已釋矣衆乃散或縛其渠長降遂禽黑闥

按劉黑闥傳黑闥貝州漳南人嗜酒喜博不治產
亡賴父兄患苦之與實建德少相友善德每資其費
黑闥所得輒盡建德亦弗之計隋末亡命徙鄆孝德
為盜後事李密為將將密敗王世充捕之以其武健
補馬軍總管鎮新鄉時李世勣陷於實建德德使
攻新鄉捕黑闥獻之建德用為將討漢東郡公黑闥
與諸盜游素強武多狙詐建德有所經略常委以元
侯陰入敵中覘虛實每乘隙奇兵出不意多所摧
克軍中號為神勇武德四年建德敗還匿漳南杜門
不出會高祖召建德放將范願董康買曹湛高稚賢
將用之願等疑長謀曰王世充舉洛陽降將楊公
卿舉雄信之徒皆與滅今名臣等若西入關必無全
且夏王於唐固有德往禽淮安王同安公主皆厚遣
還之今唐得復王即加害我不以餘生為王復讎無
以見天下義士於是謀反上所主劉氏吉其往見故
將劉雅告之雅不從衆起殺雅去范願曰漢東公黑
闥果取多奇略寬仁客衆思結士卒吾嘗聞劉氏當
王今欲殺王王亡衆集大事非其人其可乃之漳南
謁黑闥以告黑闥喜惟牛養士得兵百餘人襲漳南
縣破之貝州刺史裴元祥魏州刺史權威合統討擊
元祥等皆敗死收其器械有衆千人建德故時左右
稍歸之兵變盛乃設壇漳南祭建德告以舉兵意自
舉大將軍權建德守將王行敏饒陽賊崔元暹攻
陷深州殺刺史裴曉應之兖州賊徐圓朗亦相連和
遂取瀛州攻定州殘之乃移帳趙魏建德將吏往往
殺令尉附賊北連高祖遣勢雄張進至宗城衆數萬
衆州總管李世勣敗走洛州黑闥迫之步卒五千

皆復世勳躬身免乃以王琮為中書令劉斌為中書侍郎遣使北結突厥請利道侯斤未邪那半騎從之軍大振不半年盡有建德地高祖詔秦王及齊王元吉討之五年黑闥陷相州號漢東王建元天造以范願為左僕射董康買兵部尚書高雅賢為左領軍王少胡為右領軍召建德舊屬悉復用之部滑州秦王率兵攻沒數郡賊進下相州滑州人獲段利史叛歸黑闥二月秦王破之於列人取洛水使絕晉羅士信守之黑闥攻陷洛水士信死王阻水為運糧分奇兵絕其饋路黑闥數挑戰堅壁不為動二月賊糧盡王度必決戰陳洛水上流救吏曰須賊度盡決之黑闥果率騎二萬絕水陣與王師大戰兼濟水暴至賊眾不得還斬首萬餘級溺死數千黑闥與范願等以殘騎奔突厥山東平秦王還黑闥突厥兵復入寇攻定州將曹寶遣董康買先逃擊黑闥兵之帝以淮陽王道元為河北總督與原國公史萬寶討賊賊下博敗竄道元死於陣萬寶轉還經是河北復叛歸賊黑闥仍都滑州九月略滑州殺刺史竄王元吉擊之不進又詔皇太子督兵并力頓賊皆捷十二月皇太子齊王悉兵戰於黑闥大敗引軍走歸北至毛州黑闥整眾背未濟渠陳賊騎之賊赴水死者數千黑闥遁去騎將劉弘基追蹙賊不得休明年正月馳至饒陽賊屬者幾百餘困且饑黑闥所署總督元遜迎拜延之入黑闥不許元遜固請且泣乃進城下元遜饋之方飯車騎諸將咸感動兵前黑闥曰狗輩負我遂執諸皇太子所斬之德威舉郡降山東遂定按徐國朝傳國朝兗州人隋

末為盜據本郡以兵徇瑕鄆以西北至東平盡有之勝兵一萬附李密密敗歸寶建德山東平授兗州總管得郡公高祖遣葛國公盛彥師安輯河南抵任城會黑闥兵起黑闥執彥師應之自號晉王黑闥以為大行皇帝元帥兗鄆陳杞伊洛曹戴等州豪傑皆殺吏應賊秦王已破黑闥遣兵屯濟陰經略之國朝懼河間人劉復禮說國朝曰彭城有劉世徽才略不常有異相士大夫許其必王將軍欲自用恐取不如迎世徽立之功無不濟國朝謂為然乃迎之盛彥師以世徽若爾爾且不解即說曰聞公迎劉世徽信乎公亡無日矣獨不見翟讓用李密乎國朝信之世徽至奪其兵以為司馬遣徇地所至皆下忘而殺之會淮安王神通李世勣合兵攻國朝國朝敗逃管任瑒進圍兗州降者皆輸城國朝窮棄城與下數騎夜亡為野人所殺按任瑒傳瑒為河南安撫大使至宋州會徐國朝反副使柳洛勣退保汴瑒笑曰公何怯若將居邊入自當有引俄而賊陷楚丘將圍處城瑒遣崔樞要公讓自鄆陵詣諸州賀子百餘守之潘日樞等故世充將且諸州賀子父兄皆反奈何今保城壞不答樞至則分質千與土人合隊賊至賀子稍叛樞即斬其隊帥城中人懼曰是皆賊子弟安可與守乎樞因聽諸隊殺質千梟首門外城陽怒曰去者遣招慰何乃殺之退潘潘曰固知崔樞之縣殺賊子為怨已大人今自為賊矣國朝及瑒城不能拔賊平遷徐州總管

按唐書高祖本紀云云按高祖開道傳開道滑州陽信人世英祖為生少勇走及奔馬隋大業末依何間賊格陳未甚奇之會諸為隋兵圍捕左右奔散無救者開道獨身決戰殺數十人捕兵解謀得免遂引為將軍謀滅其黨百餘人亡海曲復出劉洽州衆稍附因北掠成堡自臨渝至懷遠皆破有之復引兵圍北平未下隋守將李景自度不能支拔城去開道據其地武德元年陷滑州郡有之有鐵馬數千衆萬人自號燕王先是懷遠浮屠高士安因縣令具供與其徒襲殺令偽號大業皇帝以尼靜宣為耶輸皇后建元法輪遣使約開道為兄弟封齊王開道引衆從之居三月殺景景附其衆復稱燕王建元署置百官實建德國縣於幽州藝諸救開道以騎二千赴之建德解去乃因藝使薛降降以為蔚州總管上柱國北平郡王賜姓李開道以輕騎五百抵南州欲圖藝自從數騎入都督府且觀藝藝與張欲盡歡如不可圖遂去五年幽州侯開道計輸以衆藝遣老弱湊食皆厚遇之藝悅不為虞更發兵三千車數百馬馳千往隋軍開道悉而不進遂北連突厥告絕于藝復稱燕王劉黑闥聯兵入寇開道攻易州不克還將劉瑒瑒降於藝請兵接應藝至後縱擊殺之因還突突俱南恆宜等驍然從藝以開道善攻具與俱攻馬邑拔之將擊突突相繼平開道欲降自疑反置得罪留待突突自安然將士多山東人思歸藝欲亂初開道舉壯士數百為營于衛閣下及劉黑闥將張君立已歸開道命與愛將張金樹分督之金樹告令左右數人偽與張金樹至夕入閣絕其弓弦又取

五入國書集

經濟集國戎政典第一百四十六卷兵略部

第七五二冊 之五一葉

古今圖書集成

小稍聚林下既顯金樹以其徒謀攻之數人者抱刀
稍出聞諸義子將搏戰亡弓稍君立舉火外城應之
帳下大據養子窮爭歸金樹開道顧不免恨甲挺刃
棟堂坐與妻妾共飲酒金樹畏不敢前天且明開
道先益其妻妾及諸子而後自殺金樹羅氏取養子
皆殺之亦殺君立而歸 按輔公祏傳公祏始佐杜
伏威據江東及伏威歸國武德二年詔授公祏淮南
道行臺尚書左僕射封舒國公初伏威與公祏少相
愛又兄事之故軍中呼輔伯尊禮略等伏威稍忌之
乃養子嗣稜為左將軍王雄誕為右將軍推公祏
為僕射陰解其柙公祏內快不快乃與故人左游
仙偕學辟殺以自晦六年伏威入朝留公祏居守復
令雄誕握兵副之陰謀曰吾至京不失職無容公祏
為變後左游仙說公祏反會雄誕以疾臥家公祏奪
其兵給言伏威移書令舉事八月遂僭位國稱宋即
陳故宮都之殺王雄誕署百官以左游仙為兵部尚
書東南道大使趙州總管增修器械陳食道將徐
紹宗侵海州陳正通寇壽陽詔趙郡王孝恭趙九江
嶺南大使李靖下官城懷州總管黃君漢出進齊州
總管李世勣由淮泗討之孝恭取蕪湖下梁山三鎮
河南安撫大使任瓊拔揚子城降將龍龜遂據揚
州公祏復遣將馮惠亮陳當世屯博望山陳正通徐
紹宗屯齊州山以拒戰孝恭率諸將破之惠亮正通
走李靖追百餘里衆悉潰正通以五百騎奔丹陽
公祏懼棄城奔左游仙於會稽兵尚數萬夜至毗陵
能從者纔五百偶將吳驥孫安謀執之公祏弟義妻
子斬關遁與腹心士數十抵武康野人執送丹陽孝

恭斬之傳首京師始公祏佐伏威起據江東距公祏
死凡十三年 按河間元王孝恭傳輔公祏反寇壽
陽詔孝恭為行軍元帥討之引兵趨九江李靖李勣
黃君漢張俱州盧祖尚皆累節廣將發大饗士梧水
變為血坐皆失色孝恭自如徐曰禍福無基惟所召
習願我不負於物無重諸君憂公祏禍惡習望今伏
威軍以問罪格中血乃賊臣授首之祥千盞飲罷衆
心為安公祏將馮惠亮等拒險邀戰孝恭堅壁不出
遣奇兵絕餉道賊餓夜薄營孝恭臥不動明日使羸
兵扣賊營挑之祖尚還營以待而兵卻賊追
北且營遇祖尚軍薄戰遂大敗惠亮退保梁山孝恭
乘勝破其別嶺賊赴水死者數千計公祏窮棄丹陽
走騎窮迫生擒之江南平 按李靖傳輔公祏據丹
陽反詔孝恭為帥召靖入朝受方略副孝恭東討李
世勣等七總管皆受節度公祏遣馮惠亮以舟師三
萬屯當塗陳正通步騎二萬屯青林自梁山連鎮以
斷江道築却月城延袤十餘里為犄角諸將議曰彼
騎兵連營將不戰疲老我師若直取丹陽空其巢窟
惠亮等自降靖曰不然二軍雖精而公祏所自將亦
銳卒也既保石頭則未可拔我留不得志退有所
忌腹背蒙患非百全計且惠亮正通百戰餘賊非怯
野關今方持重特公祏立計爾若出不意挑攻其城
必破之惠亮拔公祏舍矣孝恭恭之靖率黃君漢等
水陸皆進善戰殺傷萬餘人惠亮等亡去靖將輕兵
至丹陽公祏懼衆尚多不能戰乃出走之 按關
稜傳稜伏威邑人也貌魁雄善用兩刃刀其長丈名
曰拍刀從伏威入朝拜左領軍將軍趙州都督公祏

反稜與南討青山之戰與陳正通遇陣方接稜脫兕
繫謂衆曰不讓我和何敢戰其徒多持青部氣遂索
至有拜者公祏被殺功多然頗自伐公祏破會乃誅
與已謀反又伏威王雄誕及稜實產在丹陽者當原
而趙郡王孝恭悉籍入之稜自新件孝恭遂以謀反
誅

武德九年六月幽州都督盧江郡王瑒反伏誅

按唐書高祖本紀云云 按盧江王瑒瑒字德圭武
德時例王果遷山南東道行臺右僕射與河間王孝
恭合討蕭瑄無功更為幽州都督瑒素懷朝廷恐不
任職乃以右領軍將軍王君廓輔行君廓故盜也其
舅經人瑒倚之許結婚寄心腹時陳太子有陰謀厚
結瑒太子死太宗令通事舍人崔敦禮召瑒瑒懼有
變君廓內險賊欲以計陷瑒而取己功即謂瑒曰事
變未可知知太王國懿親受命守邊擁兵十萬而從一
使者名乎且趙郡王前已屬受今太子齊王又復爾
大王勢能自保耶因泣瑒信之曰以命累公乃因敦
禮勸兵召北燕州刺史王統與計事兵曹參軍王利
涉說瑒曰王今無詔擅發兵則反矣當須權結衆心
若諸刺史召之不至將何以全瑒曰奈何對曰山東
豪傑皆為黃建德所用今失職與緡戶處此其思亂
若早之望兩王能發使使悉復舊職隨所在募兵有
不從得輒誅之則河北之地可呼吸而有然後遣王
統外通突厥由太原南趨蒲韓大王整頓西入關兩
軍合勢不旬月天下可定矣瑒從之以內外兵悉付
君廓利涉以君廓多翻覆請以兵屬統瑒猶讓君廓
密知之統斬統首徇於軍曰李瑒與王統謀反鋼勒

使糧道兵今統已斬獨境在無能為也諸君從之且族滅助我者富貴可得衆曰願討賊乃出教諸於獄環聞之率左右數百被甲出君部呼曰愛恃亂諸君皆誅誤若何從之以取夷戮衆反走環馬君部曰小人實我行自及即擒環益之傳首京師廢爲庶人絕屬籍

太宗貞觀元年正月辛丑燕郡王李藝反於涇州伏誅

按唐書太宗本紀云云 按羅藝傳藝字子延襄州襄陽人東京兆之雲陽父榮隋監門將軍藝剛愎不仁勇攻戰善用槊大衆中以戰功補虎賁郎將遼東之役李景以武衛大將軍督糧北平詔藝以兵屬分部嚴一然任氣嘗慢侮景頗爲景辱天下盜起涿郡號富饒伐遼兵仗多在而倉庫盈羨又臨朔宮多珍寶屯師且數萬苦盜賊侵掠留守將趙什住賀蘭諱晉文衍等不能支藝得寇數破御之勇常冠軍爲諸將忌畏藝陰自計因出師說衆曰吾軍討賊數有功而食乏官粟若山而留守不賑師豈安人強衆忘耶士皆怨既還郡丞出郊謁藝執之陳兵入什住等懼爭聽命藝即發庫貨賜戰士食粟給窮人境內大悅殺異己者渤海太守唐碑等威動北邊柳城懷遠並歸附顯柳城太守楊林甫改郡曰營州以襄平太守鄧基爲總管藝自稱幽州總管宇文化及至山東遣使招藝藝曰我隋舊臣今大行顯親義不辱於賊斬使者爲場帝發喪三日時寶建德高開道亦遣使於藝藝謂官屬曰建德等皆尉賊不足共功名唐廢公起兵據關中民望所繫王業必成吾決歸之政與議

者我欲張道源撫輯山東亦論藝降武德二年乃奉表以地歸詔封燕王賜姓深屬籍數與建德戰多所擒獻秦王擊劉黑闥高祖詔藝弟監門將軍壽以兵從藝自率衆數萬破劉什善張君立於徐河黑闥引突厥入寇復以兵與皇太子建成會洛州遂請入朝帝厚禮之拜左翊衛大將軍藝負其功且貴重不少相秦王左右書至其營藝厚辱之高祖怒以壽久乃釋時突厥放橫藉藝威名欲以憚高祖以本官領天節軍將鎮涇州太宗即位進開府儀同三司藝內懼乃圖反詭言閭武兵既集稱被密詔入朝軍至幽治中趙慈皓出謁遂掠州帝命長孫無忌討慈皓德擊之未至慈皓與範軍楊俊謀誅藝藝覺執慈皓發居外即攻之藝敗舉妻子從數百騎奔突厥抵卑州驍稍亡左右斬之傳首衆於都市壽時爲利州都督亦及誅先是濟陰女子李自言通鬼道能愈疾四方惑之詔取致京師嘗往來蔡家謂藝妻孟曰妃相貴當母天下孟令觀藝又曰妃之貴由於王貴色且發藝妻信之亦贊以反既敗與李皆斬

貞觀二年四月榮紹破頡利於朔方東城梁洛仁斬梁師都以降

按唐書太宗本紀貞觀二年四月壬寅朔方人梁洛仁殺梁師都以降 按梁師都傳師都夏州朔方人爲郡豪姓仕隋爲楊州府將大業末罷歸結徒起爲盜殺郡丞唐世宗據郡稱大丞相聯兵突厥與隋將張世隆戰敗之因略定羅陰弘化延安自爲梁國僭即皇帝位祭天於城南坎地瘞王得印以爲瑞建元永隆始舉可汗遺以狼頭纛號大度毗伽可汗解事

經濟集編戎政典第一百四十六卷兵略部

天子遂導突厥兵居河南地牧鹽川郡武德二年寇靈州長史楊則擊走之又與突厥千騎營野獵延州總管段德操勒兵不戰師都氣餒遣兵進擊戰酣德操自以輕騎出其旁乘之師都大潰逐北三百里俘獻其衆未幾以步騎五千入寇德操又盡屠其軍降堡將張舉劉昇師都懼遣尚書陸季覽說德羅可汗曰隋亡中國裂爲四五勢均力弱皆爭附突厥今唐滅劉武周國益大兵方四出師都將朝夕亡於大亦及突厥願可汗如魏孝文兵引而南師都請爲鄉導德羅納之令其質咄設入五原泥步說與師都趨延州德羅自攻太原突利可汗與奚契丹結禍由幽州道合寶建德自滄口會晉絳已而處羅死兵不出又爲德操所破六年其將賀達索周以所部十二州降德操悉兵攻之拔東城師都保西城不敢出求救於突厥頡利頡利以勁兵萬騎赴之先是稽郡大帥劉介成以衆赴師都因譏見殺其下疑懼乃多叛師都日益是遂往朝頡利救使南略故突厥盜邊無軍威遂窺渭橋後突厥政亂太宗以師都淫危乃諭以書使歸不從詔夏州長史劉曼司馬劉蘭經略之獲生口縱以爲間君臣離携出輕騎蹂躪其稼城中饑虛又天狗墮其城辛僚兄李正實鴻端皆其健將謀執師都降不果正實挺身歸貞觀二年曼蘭表可取狀詔梁紹薛萬均併力令曼以勁卒進據朔方東城頡利來援會大雪羊馬死紹逆戰破之進屯城下其從父弟洛仁斬師都降師都自起至滅十二年 按薛萬均傳梁紹之討梁師都也以萬均爲副萬微亦從距朔方數十里突厥兵聚至王師却萬均兄弟橫

第七五二冊 之五二葉